

NAPLAN

Impormasyon para sa mga magulang at taga-alaga

2023

Bakit kukuha ang mga estudyante ng NAPLAN?

Ang NAPLAN ay isang pambansang pagtasa sa pagbasa't-pagsulat at pagbilang na kinukuha bawat taon ng mga estudyanteng nasa mga Year 3, 5, 7 at 9. Ito ay ang nag-iisang pambansang pagtasa sa lahat ng mga estudyanteng Australyano na may pagkakataong makapagsulit.

Habang ang mga estudyante ay umuunlad sa kanilang taon sa paaralan, mahalaga na malaman kung gaano sila natututo sa mga mahahalagang kasanayan sa pagbasa't pagsulat at pagbilang.

Tinatasa ang NAPLAN ang mga kasanayan sa pagtasa't pagsulat at pagbilang na pinag-aaralan ng mga estudyante sa pamamagitan ng kurikulum ng paaralan at nagbibigay ng pagkakataon sa mga magulang /taga-alaga na makita kung paano umuunlad ang kanilang anak batay sa mga pambansang batayan at sa paglipas ng panahon.

Ang NAPLAN ay isa lamang na aspeto sa proseso ng pagtasa at pag-uulat sa paaralan. Hindi nito mapapalitan ang patuloy na pagtasa na ginagawa ng mga guro tungkol sa pagganap ng estudyante, ngunit maaari itong magbigay sa mga guro ng karagdagang impormasyon tungkol sa pag-uunlad ng mga estudyante sa kanilang edukasyon.

Nagbibigay din ang NAPLAN sa mga paaralan, awtoridad ng edukasyon at pamahalaan ng impormasyon tungkol sa kung paano gumagana ang mga programa ng edukasyon at kung ang mga batang Australyano ay nakakamit nila ang mga mahahalagang layunin ng edukasyon sa pagbasa't pagsulat at pagbilang.

Ang inyong anak ay gagawa ng mga pagsulit ng NAPLAN sa online

Ang mga paaralan ay nagbago mula sa pagsusulit sa papel hanggang sa pamaraang kompyuter na mga pagtasa. Lahat ng estudyante sa Year 3 ay magpatuloy na kumpletuhin ang pagtasa sa papel.

Ang mga online na pagsulit sa NAPLAN ay nagbibigay ng mas tiyak na mga resulta at mas nakakaengganyo sa mga estudyante. Isa sa mga pangunahing benepisyo ay ang pasadya (o naibabagay) na pagsusulit, kung saan ang pagsulit ay may mga tanong medyo mahirap depende sa mga sagot ng estudyante.

Ang pinasadyang pagsusulit ay nagpapahintulot ng isang mas malawak na hanay ng mga kakayahan ng estudyante na matasa at masukat ng mas tiyak ang nagawa ng estudyante. Ang pangkalahatang resulta ng isang estudyante sa NAPLAN ay batay sa bilang at kahirap ng mga tanong na nasagot nila ng tama. Ang inyong anak ay hindi dapat mabahala kung may makikita silang mga mapanghamon na mga tanong; maaari silang kumukuha ng mas kumplikadong landas ng pagsulit.

Ano ang tinatasa ng NAPLAN?

Tinatasa ng NAPLAN ang mga kasanayan sa pagbasa't pagsulat at pagbilang na pinag-aaralan ng mga estudyante sa pamamagitan ng kanilang regular na kurikulum sa paaralan.

Ang mga estudyante ay uupo sa pagtasa sa pagbasa, pagsulat, mga karaniwang paggamit ng wika (pagbaybay, gramatika at bantas) at pagbilang. Ang mga tanong ay nagtatasa ng nilalaman na kaugnay ng Kurikulum ng Australya: Ang Ingles at mga Matematika.

Lahat ng mga awtoridad ng edukasyon sa pamahalaan at hindi pamahalaan ay mag-aambag sa paggawa ng mga materyal sa pagsulit ng NAPLAN.

Upang madagdagan ang kaalaman tungkol sa NAPLAN, bumisita sa nap.edu.au.

Pakikisali sa NAPLAN

Ang NAPLAN ay para sa lahat. Sinusuportahan ng ACARA ang komprehensibong pagsusulit upang ang lahat ng mga estudyante ay maaaring makisali sa pambansang programa ng pagtasa.

May mga pagsasaayos na magagamit para sa mga estudyanteng may kapansanan na maaaring may mga nagkakaibang kakayahan at pangangilangan.

Ang mga paaralan ay dapat makipagtrabaho sa mga magulang/taga-alaga at estudyante na magtukoy, depende sa kaso, ng mga nararapat na pagsasaayos na kinakailangan ng mga indibidwal na estudyante na may kapansanan upang magamit ang NAPLAN. Ang mga pagsasaayos ay dapat nagsasalamin ng suporta na pangkaraniwang ibinibigay sa mga pagtasa sa silid-aralan.

TU pang makatulong sa pagpapahayag ng mga pagpapasyang ito, maaari kang kumonsulta sa [NAPLAN public demonstration site](#), ang Gabay para sa mga paaralan sa pagtulong sa mga estudyante na may kapansanan upang magamit ang NAPLAN, o ang ating mga serye ng video kung saan ang mga magulang/tag-alaga, guro at estudyante ay nagbabahagi ng kanilang mga karanasan sa paggamit ng mga pagsasaayos ng NAPLAN.

Sa mga pambihirang kalagayan, ang isang estudyante na may kapansanan na may malaking paglilimita sa kanilang kakayahan na makisali sa pagtasa, o isang estudyante na kararating sa Australya at di-Ingles ang pinagmulang salita ay maaaring mabigyan ng pagkalibre (exemption).

Ang inyong prinsipal sa paaralan at ang lokal na administrador ng pagsulit ay maaaring magbigay sa iyo ng karagdagang impormasyon tungkol sa mga pagsasaayos para sa mga estudyante na may kapansanan o ang prosesong kailangan upang mabigyan ng pormal na pagkalibre (exemption).

Ano ang mangyari kung ang aking anak ay magliban sa paaralan sa mga araw ng NAPLAN?

Kung maaari, ang mga paaralan ay maaaring magsaayos upang ang mga estudyante na nagliban sa mga araw ng mga pagsusulit ay makakumpleto ang mga naiwasang mga pagsulit sa ibang oras sa loob ng panahon ng pagsulit sa paaralan.

Ano ang mangyari kapag ang aking paaralan ay nakasara sa mga araw ng NAPLAN?

Ang mga paaralang may mga mahalagang dahilan ay mabibigyan ng pahintulot na mag-iskedyul ng mga pagsusulit pagkatapos ng 9 na araw ng pagsusulit,

Ano ang maaari kong magawa upang masuportahan ang aking anak?

Ang mga estudyante ay hindi kailangang magrepaso para sa NAPLAN. Maaari kang sumuporta sa inyong anak sa pamamagitan ng pagpapalakas sa kanilang loob na ang NAPLAN ay bahagi ng programa ng kanilang paaralan at ipaalala mo sa kanila na basta gawin nila ang pinakamabuti nila makakaya. Ang ilang pagpakilala at paliwanag tungkol sa NAPLAN ay makakatulong sa mga estudyante na maintindihan at maging kumportable sa porma ng mga pagsulit. Ang mga guro ay magtiyak na ang mga estudyante ay pamilyar sa mga uri ng mga tanong sa pagsulit at magbibigay ng mga nararapat na suporta at patnubay.

Hindi nirekomenda ng ACARA ang labis na paghahanda para sa pagsusulit sa NAPLAN o ang paggamit ng mga serbisyo ng mga tagapagbigay ng coaching.

Tingnan ang mga uri ng mga tanong at kagamitan na nasa mga online na pagtasa ng NAPLAN sa nap.edu.au/online-assessment/public-demonstration-site.

Tala-orasan (timetable) ng NAPLAN

Ang mga araw ng pagsulit sa NAPLAN ay sa loob ng 9 na araw. Ito ay upang makasali ang mga paaralan na may mas kaunting mga kagamitan.

Ang 'NAPLAN test window' ay magsisimula sa Miyerkules ika-15 ng Marso at magtatapos sa Lunes, ika-27 ng Marso 2023. Ang mga paaralan ay pinapayuhan na mag-iskedyul ng mga pagsusulit kung maaari sa loob ng testing window, inuuna (prioritising) ang unang linggo.

Paano maiulat ang pagganap ng aking anak?

Ang pagganap ng bawat estudyante ay makikita sa isang pambansang sukat ng mga nagawa (national achievement scale) sa bawat pagtasa. Itong iskala ay nagpapakita kung ang estudyante ay nakagagawa ng mga inaasahan sa kanya sa mga kasanayan sa pagbasat-pagsulat na kinakailangan sa lubos na pakikisali sa year level na iyon.

Ang ulat ng NAPLAN tungkol sa bawat estudyante ay ibibigay ng paaralan ng inyong anak sa malapit ng pagtatapos ng taon. Kung hindi ka makatanggap ng ulat, dapat tawagan mo ang paaralan ng inyong anak.

Paano magamit ang mga resulta ng NAPLAN?

- Ang mga estudyante at magulang/taga-alaga ay maaaring magamit ang mga indibidwal na resulta sa pagtatalakay ng pag-unlad sa mga guro.
- Gagamitin ng mga guro ang mga resulta sa pagtukoy sa mga estudyante na nangangailangan ng mga mas malaking paghamon o dagdag na suporta.
- Gagamitin ng mga paaralan ang mga resulta na makilala ang mga bahaging may kalakasan at mga nangangailangan ng pagpapahusay sa mga programa ng pagtuturo at mailatag ang mga layunin sa pagbasa't pagsulat at pagbilang.
- Ang mga sistema ng paaralan ay gagamit sa mga resulta sa kanilang pagrepaso sa kahusayan ng mga programa at suporta na iniaalok sa mga paaralan.
- Makikita ng komunidad ang impormasyon tungkol sa nagawa ng mga paaralan sa paglipas na panahon sa myschool.edu.au.

Saan ako makakuha ng karagdagang impormasyon?

Para sa karagdagang impormasyon tungkol sa NAPLAN:

- kontakin ang paaralan ng inyong anak
- kontakin ang inyong lokal na awtoridad sa pamamahala ng pagsulit sa nap.edu.au/TAA
- bisitahin ang nap.edu.au

Upang malaman kung paano ginagamit ng ACARA ang personal na impormasyon ng NAPLAN, bumisita sa nap.edu.au/naplan/privacy.

Pagsulit	Mga pangangailangan sa pag-iiskedyul	Katagal	Paglarawan ng pagsulit
Pagsusulat	<ul style="list-style-type: none">• Ang mga estudyante sa Year 3 ay gagawin ang pagsulit sa pagsusulat sa papel (sa unang (1) araw lamang)• Ang pagsusulit sa pagsulat ng Year 5, 7 at 9 ay dapat magsimula sa 'day 1' (dapat uunahin ng mga paralan na kumpletuhin ang pagsuri sa pagsulat ng mga days 1 at 2 lamang at ang day 2 ay gagamitin lamang kung may mga problema sa teknikal o sa lohistiko)	Year 3: 40 minutos Year 5: 42 minutos Year 7: 42 minutos Year 9: 42 minutos	Ang mga estudyante ay mabibigyan ng isang 'writing stimulus' (tinatawag ding 'prompt' – isang ideya o paksa) at ihilingin na magsulat ng kasagutan sa partikular na kategorya (nagsasalaysay o nag-uudyuk na pagsusulat)
Pagbabasa	<ul style="list-style-type: none">• Tatapusin pagkatapos ang pagsulit sa pagsusulat• Tatapusin bago ang pagsulit sa mga kaayusan ng wika (conventions of language)	Year 3: 45 minutos Year 5: 50 minutos Year 7: 65 minutos Year 9: 65 minutos	Ang mga estudyante ay magbasa ng isang hanay ng mga nakasulat na nagbibigay-kaalaman, mapanglikha at mapanghikayat at saka sagutin ang mga kaugnay na tanong
Mga kaayusan ng wika	<ul style="list-style-type: none">• Dapat makumpleto pagkatapos ang pagsulit sa pagbabasa	Year 3: 45 minutos Year 5: 45 minutos Year 7: 45 minutos Year 9: 45 minutos	Tinatasa ang pagbaybay, gramatika at pagbantas
Pagbilang	<ul style="list-style-type: none">• Tatapusin pagkatapos ng pagsulit sa mga kaayusan ng wika (conventions of language)	Year 3: 45 minutos Year 5: 50 minutos Year 7: 65 minutos Year 9: 65 minutos	Tinatasa ang bilang at algebra, pagsukat at geometry, at istatistika at probabilidad